



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ N 1508795

ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՎԵՐԱԲԵՐՅԱԼ

17 օգոստոսի 2020թ.

ք. Երևան
(կազմման վայրը)

Ակտի հասցեատեր

«ԷՅՉԸՆԴՋԻ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	5	5	4	9	8	4	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Արագածոտնի մ. ք. Աշտարակ Ոսկանյան փ. 1

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 18.05.2020թ-ի թիվ 1508795 որոշման համաձայն «Էյչընդջի» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 25.05.2020թ-ին, ընկերության կողմից Շիրակի մ. ք. Գյումրի, Մ. Խորենացի 29/6 հասցեում գտնվող պահեստից Շիրակի մ. ք. Գյումրի, Մուսայելյան 81/1 հասցեում գտնվող խանութ իրականացրել է ընդամենը 900.000 ՀՀ դրամ արժեքով 300 տուփ մանկական խանձարուրի տեղափոխում՝ առանց համապատասխան ուղեկցող փաստաթղթի: Նշված տեղափոխման համար ընկերության կողմից 1 օր հետո՝ 26.05.2020թ-ին դուրս է գրվել թվով մեկ՝ Բ0744534973 հաշվարկային փաստաթուղթ:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 900.000 ՀՀ դրամ արժողությամբ ապրանքների տեղափոխման համար ընկերության կողմից 25.05.2020թ-ին դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է ընկերության տնօրեն Ժորա Ասլանյանի կողմից 16.07.2020թ-ին տրված գրավոր հայտարարությամբ:

Թիվ 1508975 արձանագրությամբ 17.07.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացրել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վարչական վարույթ իրականացնող մարմինը գտնում է, որ սույն գործով «Էյչընդջի» ՍՊԸ-ի նկատմամբ պատասխանատվության միջոց կիրառելու հիմքերը բացակայում են, նկատի ունենալով այն հանգամանքը, որ թեև ընկերության գործողություններում առկա են իրավախախտման հատկանիշներ, սակայն դրանք ըստ էության կրում են ձևական բնույթ, նկատի ունենալով, որ ընկերության կողմից բովանդակային առումով արդեն իսկ կատարված է եղել տեղափոխման պարտադիր փաստաթղթավորման օրենսդրական պահանջը և իրականացված տեղափոխման վերաբերյալ ընկերության կողմից և վերջինիս նախաձեռնությամբ էլ 26.05.2020թ-ին դուրս է գրվել ուղեկցող փաստաթուղթ:

Հարկ է նկատել, որ նույնական դիրքորոշում է արտահայտել նաև ՀՀ ՊԵԿ հարկային և մաքսային մարմինների գանգատարկման հանձնաժողովը (այսուհետ՝ հանձնաժողով) 11.06.2019թ-ին կայացված թիվ 41/17 որոշմամբ:

Համաձայն «Վարչարարության հիմունքների և վարչական վարույթի մասին» ՀՀ օրենքի 7-րդ հոդվածի՝ վարչական մարմիններին արգելվում է անհավասար մոտեցում ցուցաբերել միատեսակ փաստական հանգամանքների նկատմամբ, եթե առկա չէ դրանց տարբերակման որևէ հիմք:

Նույն օրենքի 5-րդ հոդվածի համաձայն՝ վարչարարություն իրականացնելիս վարչական մարմիններին արգելվում է միայն ձևական պահանջների պահպանման նպատակով անձանց ծանրաբեռնել պարտականություններով կամ մերժել նրանց որևէ իրավունք տրամադրելը, եթե նրանց վրա դրված պարտականությունները բովանդակային առումով կատարված են:

Ելնելով վերոգրյալից, ինչպես նաև ղեկավարվելով «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի բ) կետով, ՀՀ ՊԵԿ նախագահի 28.08.2019թ. N 562-Լ հրամանով՝

ՈՐՈՇԵՑԻ

«Էյչընդջի» ՍՊԸ-ի վերաբերյալ 17.07.2020թ-ի թիվ 1508795 արձանագրության հիման վրա հարուցված վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



ԻՐԱՎԱԲԱՆԱԿԱՆ ՎՃԱՐՍԵՐՈՒԹՅԱՆ ԿՈՄԻՏԵ